

Dato: 15.02.2024

## Referat frå SU Hognestad skule 7.2.24

### Til stades:

Ingveig Nærland Ødegård, rektor  
Kristian Hognestad, leiar FAU  
Jone Fosse, politikar (Kjetil Hustoft kunne ikkje)  
Oliver Ellingsen, elevrådet  
Hanna Aase Undheim, tilsett  
Kristin Sando, tilsett  
Oddny Dubland, FAU

### Ikkje tilstades:

Pia Fjellanger (elevrådet)

### Sak 19 Spørsmål frå Oppvekst til ny skulebruksplan

#### 1. Kapasitet og analyse av grunnskulen.

Tankar og innspel frå SU til administrasjonen sitt vidare arbeid med skulebruksplanen.

Det er ikkje tida å ta vekk ein skulestruktur som fungerer.

Trivselen på Hognestad skule er kjempehøg.

Me må byggja kvalitet og stabilitet for alle skulane i Time.

Me må bevara dei lokala me har.

Hognestad skule har kvalifiserte lærarar og miljøpersonell (og kvalifiserte søkerar til stillingane)

Planar om utbyggjing på Hognestad kan generera fleire elever til Hognestad.

Lurt å tenkja langsiktig.

Viktig for eit lokalmiljø at det er forutsigbart kva skuletilbod ein får.

Det er viktig med både store og små skular.

Er det plass på Rosseland til fleire elevar? For heile klasser må flyttast, dei skal ikkje delast opp, dette iht den nye opplæringslova.

Forsvinn skulen, forsvinn idrettslaget og færre vil bu i bygda.

Me vil ha levande bygder.

Kva skjer med Hognestad skule, lokalet, dersom skulen blir lagt ned?

Kor mykje er det å spara når elevar, små 5-12 åringer, skal bussast? Lærarar skal ha nye arbeidsplassar? Bygningar skal rivast eller vedlikehaldast?

Det er plass på Hognestad skule til fleire elevar.

Nærskuleprinsippet blir godt i vareteke ved å bevara Hognestad skule.

Ro og avklaring vil føra til at fleire flyttar til Hognestad.

2. Kva erfaringar har ein gjort med dei rettleiande skulekrinsane?

Det er fordeler og ulemper med rettleiande skulekrinsar.

Kva har vore bra? Det er bra og kunna velja sjølv før 1. trinn og 8.trinn. Dei aller fleste vel nærskulen sin. Det har ikkje vore eit stort problem at elevar i krinsen vel andre skular enn Hognestad skule. Det vil alltid vera nokon, men det er bra at det er fritt før 1. trinn og 8.trinn.

Kva har vore utfordrande? Ingen utfordringar så lenge Hognestad ikkje er tettbygd slik at grensene går midt mellom ungar som leikar saman.

Ville det vore betre med faste krinsgrenser, der det heilt unntaksvis er mogleg å søkja skulebytte?

Nei, vi ønskjer valfridom, men understrekar at det er ein stor inngrisen å leggja ned ein barneskule.

Kva anbefalingar vil de gje skuleeigar dersom ein skal fastsetja forskrift?

SU på Hognestad skule anbefalar at Brøytvegen burde vore rettleiande skulegrense. Elevar som er busett sør for Brøytvegen burde hatt Hognestad skule som sin nærskule. Slik var det før og ser ein på kartet er dette ei naturleg grense. Så lenge det er fritt skuleval før 1. og 8. trinn kan føresette og elevar likevel velja Bryne eller Rosseland om dei bur f.eks i Stemmenmarka.

3. Bokmål og nynorsk-klasser på ungdomsskulen

Me er redde for at det blir mange skifter mellom klassar og uro i organiseringa av klassar. Elevar kan fort finna på å byta hovudmål undervegs på ungdomsskulen. Dette kan bli eit slags middel for å kunna gå i same klasse.

### Sak 20 Anna

Rektor orienterer om anbefaling frå kunnskapsministeren i dag om mobilforbod i skulen. Saka skal opp på rektormøtet på fredag. Det kjem truleg til å bli ei kommunal anbefaling og ei høyring der FAU og/eller SU er blant dei som skal uttala seg.

Red. Oddny Dubland